

**Kluba Programo:****julio:**

- 3 Diskuto: *Probablaj sekvoj de ĝenerala malfunkcio de Interreto*
- 10 Klubanoj: *prelegetoj (temo: "Ŝatokupoj")*
- 17 John Wells: *Lingva seminario* (1800h: konsilantaro)
- 24 *Ŝercvespero*
- 31 Socia Vespero

aŭgusto:

- 7 David Thornell: *Primitivaj Mamuloj*
- 14 Klubanoj: *5-minutaj prelegetoj (temo: "Kiujn historiajn eminentulojn vi invitus al manĝo?")* (1800h: konsilantaro)
- 21 Terry Page: *El la Maniko de alia Librobretaro*
- 28 Socia Vespero

septembro:

- 4 John Wells: *Lingva seminario*

Norden al hejmo nova

Transloĝiĝis ĵus, de Newbury al Halifax, Heleno kaj Ian Fantom. Ili ambaŭ dum pluraj jardekoj membras en LEK, kaj multon kontribuis al ties vivo kaj agado. Ĉian feliĉon kaj kontentecon en la nova hejmloko ni varme deziras al ili!

19 junio - Kluba promeno laŭ suda bordo de Tamizo (foto farita de Olga Kerziouk)

[Vidu raporteton en *Letero de nia Prezidanto*]

Vizito de Profesoro Duncan Charters

En Socia Vespero, okazinta la 26an de junio, partoprenis 13 homoj, inkluzive de 3 vizitantoj el eksterlando. Unu el tiuj estas eksa membro de LEK, Duncan Charters, kiu naskiĝis kaj edukiĝis en Britio, antaŭ ol migri al Usono, kie li fariĝis kologia profesoro. Lia vizito aparte plaĉis al John, Terry kaj Roland, ĉar ĉiuj kvar estis samepoke studentoj kaj anoj de la universitata Esperanto-Societo en (la britia!) Cambridge.

Esperanta Kalendaro:

25 julio-1 aŭgusto: 100a Universala Kongreso de Esperanto, Lillo, Francio: <http://uea.org/kongresoj>

9-12 oktobro: Internacia Amikeca Renkontiĝo, Aylesford, Kent. Ĉi-jara speciala temo: "Manĝaĵoj". Informos anica_page@btinternet.com

Aliaj anoncoj:

Prezentu ĉefprogrameron! Se vi havas taŭgan temon kiu amuzos aŭ informos klubanojn, ne hezitu proponi vin al la program-sekretario.

Bv. sendi informon al la bultenisto antaŭ 21a aŭgusto por mencio en la sekva Kluba Bulteno.

Loko, horaro kaj aliaj informoj

Ni kunvenas vendredvespere ĉe Londona Irlanda Centro. Antaŭ la ĉefprogramero kaj dum la paŭzo klubanoj kutime amasiĝas en la komforta enirhalo por kaftrinki kaj babili.

Kutima programo:

18:00 malfermiĝo kaj bonvenigoj

19:15 - 20:15 prelego aŭ alia ĉefprogramero

20:15 - 20:45 paŭzo

20:45 - 22:00 forumo, diskuto aŭ daŭrigo de la ĉefprogramero

22:00 fino



Loko: London Irish Centre,
50-52 Camden Square, NW1 9XB
(tel: 020-7916 7272)

Metrostacio: Camden Town

Fervojo *London Overground*: Camden Road

Busoj: 29, 253, 274, 31.

Kotizoj: £10 jare; fora membro: £6 jare.

Kluba retejo:

<http://www.phon.ucl.ac.uk/home/wells/lek>

Lokaj grupoj: Kingston: Roy Cliffe 020-8397 5895;

Orientlondono: Roy Simmons 01473-461346

rokeby@globalnet.co.uk; Sudlondono: Gregory Porilo

020-8672 8095 esperanto-sleg@tiscali.co.uk.

Federacioj: Orienta: John Redgwell, 17 Dover Close, Braintree, Essex CM7 5TD; Sudorienta: Kevin Murray, 11 Leybourne Ave, West Byfleet, Surrey KT14 7HB 01932-345779 yarrump@gmail.com.

Funkciuloj: Honora Prezidanto: Marjorie Boulton; Honora Vicprezidanto: Valerie Atkinson

Konsilantaro: David Thornell (Prezidanto kaj Sekretario), Terry Page (Vicprezidanto), John Wells (Vicprezidanto), Arturo Prent (Kasisto), Anica Page (Registristo), Matt Peperell, Olga Kerziouk, Antony Rawlinson (Program-sekretario kaj Bultenisto).

Adresoj: David Thornell: Esperanto, c/o London Irish Centre (adreso supre) lek.sekretario@gmail.com;

Arturo Prent: 7 Walton Garden, Hutton, Brentwood CM13 1EJ ap_esp-lek21@yahoo.co.uk,

Terry kaj Anica Page: 7 Hampton, Gt Holm, Milton Keynes MK8 9EP terry_page@btinternet.com, anica_page@btinternet.com,

Antony Rawlinson: 5 Thorpe Crescent E17 5BY acj.rawlinson@ntlworld.com.

Letero de nia Prezidanto

Karaj Klubanoj:

Vigraj estis la lastatempaj kunvenoj, eĉ la Sociaj Vesperoj! Tiujn ĉi lastajn partoprenis el Italujo kaj **ANNA LOWENSTEIN** kaj **RENATO CORSETTI**,

kelkfoje kaj sinsekve. Dank' al ambaŭ, la divers-tamaj diskutoj montriĝis ne nur interesaj kaj lernigaj, sed ankaŭ tre memorindaj. Ĉies paroloj restis ĉeteme, sen la kutimaj vagoj tien kaj tien. Male, ni ĉiuj aŭskultis unu la alian sen interrompoj. Ĉio okazis tre elegante kaj orde.

Ege sukcesa estis ankaŭ la ĵusa promeno laŭ Tamizo sudborde. La vetero estis bela; neatenditaj homamasoj spicigis la etoson; la nubskrapuloj kaj aliaj konstruaĵoj laŭ la horizonto altiris la atenton dumlonge. **ARTURO PRENT** gvidis nin, per historiaj kaj detalaj prelegetoj ĉe ĉiu interesaĵo. Kaj **OLGA KERZJUK** faris multajn fotojn de LEKanoj apud la akvo.

Por mi mem, la plej grava okazintaĵo ĵusa estis la transloĝiĝo al Norda Anglujo de nia ĉiam aktiva membro kaj eks-Prezidanto, s-ino **HELENO FANTOM**. Ŝiaj laboroj estas tro multaj por listigi ĉi tie. Sed ŝi ekde mia unuaj vizitoj al la Londona Klubo helpis min sindone kaj pacience, je ĉiu aspekto kaj nivelo. Mi jam sentas mankon de Heleno kaj bondeziras al ŝi ĉiajn sukcesojn ĉe ŝia nova hejmloko. Dankojn pro ĉio, Heleno!

Laste, mi petu ĉiun vojaĝonton al Esperantaj feri-eventoj, ke vi revenu kun bonaj raportoj por dividi kun ni poste. Ĝis do la revido kaj la reaŭdo.

Feliĉan Someron,

David Thornell

